



A JEAN SERUIN.

SERVIN, les beaux accords d'vne douce musique
Enchantent mes soucis, me rauissent à moy,
Tirent au ciel mon ame, effacent cest esmoy
Et ce tourment cruel qui trop souuent nous pique.
Si des tons harmonics i'auoy la theorique,
Au lieu que nos François chantent i' ne say quoy
Qui honte & repentir ameinc quant & soy,
Du grand Dieu ie ferois maint celebre cantique.
Tu as ores l'honneur d'auoir bien commencé:
Iusques dedans les cieux ton vol s'est auance,
Et Dieu de sa faueur ta musique enuironne.
Puissent tendre à ton but les autres bons esprits,
Et de fainctes chansons sentir leurs cœurs espris:
Pour auoir avec toy l'immortelle couronne.

Dulcis amicus qui animam pascit.

